

松
壽
堂
詩
鈔

松壽堂詩鈔卷四

貴陽陳夔龍筱石

大梁集

起癸卯七月
迄丙午三月

渡黑岡口卽景

蠟聲曳盡早秋涼
檢點征衫驛路長
野際沙痕迷樹色
天邊新月逗斜陽
居人避客還迎客
久宦離鄉當入鄉
我欲此心盟白水
臨河無奈濁流黃

遣僕入杭先以詩調亭秋

無風吹我到杭州
襪被勞君作遠遊
兒女征衣煩打疊
湖山秋色莫淹留
長天一水連吳楚
永夜雙星看斗牛

記取袁江臨別語題糕重九宴中秋

弔黃伯香太守

君以翰林改官諫院頗著直聲一麾出守竟厄
於遇齋志以沒聞者惜之

消息傳訛事竟真蒼蒼何遽隕斯人一官總爲多言累
百劫難磨敢諫身澤畔三閭憐放廢江波千頃歎沈淪

靈祠儻遇彭剛直幽憤爲君取次伸

君歿於西湖彭庵

晉用方殷借楚材卻騎五馬赴泉臺

余疏請調君來豫差遣已荷俞允

大名已入屏風記噩夢翻成屋月哀孤嶼伊誰寄梅鶴

梁園無地住鄒枚平生恩怨須臾了賸有封章荷 聖

裁

中牟工次憶周調之大令

淮上相逢又洛中，淵源水乳自交融。
換丹有藥參同契，安硯如田慶屢豐。
畫諾我方資孟博，愛才誰得似吳公。
高懷雅量君家世，轉覺陳樓在下風。

來童寨行館有懷貽藹人將軍同年疊前韻

交情回首廿年中，四海傾心一孔融。
劫後鶯花仍故國，狂來斗酒醉新豐。
淒涼東閣誰知我，迢遞陽關合惱公。
聞道詞臣新秉鉞，定教蒙俗豳皇風。

滎澤工次感舊書懷

淮上巡河不副名此來眞見大河橫鄭工兩壩中牟險
一一從頭問老兵

濤頭日夜走山東浩蕩中原歲屢豐石埭輒方仍戒備
可憐鄰壑有哀鴻

濁浪浮天晝欲昏邵村麥飯感溫存茫茫十八年前事
又聽河干渡馬喧

一鞭夜宿梅村句賦就新詩示馬生可惜故人天末去
巴山秋雨不勝情

居市韓康不可尋霸圖廣武歎銷沈榜人莫詫高軒過
猶是當年問渡心

霜清指日慶瀾安，僥倖貪天愧此官。
倒挽銀河吾輩責，受恩深處報恩難。

望廣武山

一代人才豎子中，卽今廣武尙英雄。
時來易展投鞭略，事去難成擊楫功。
落日河梁嘶渡馬，扁舟雪夜憶征鴻。
盛衰何止關劉項，回首歌臺起大風。

陽武工次寄答高蔚然同年京師

按部行經戶牖鄉，忽從館驛拜瑤章。
天邊月滿歸鰲禁，柱後霜寒肅雁行。
記否兵曹曾抱牘，不堪祖道累傾觴。

龍飛共隸開元榜，獨羨高飛五鳳凰。

謂陳玉蒼郭奉
榆顧漁溪陸百

換世仙
宜諸君

夜郎天外舊誅茅拔茹欣占大易爻薄植豈能任梁棟
元音竊喜和金匏三司有例成新法一榜同登盡故交
寄語諸公須努力移文休被北山嘲

廿年作客錦官城早識高家兄弟名獨愛七絃彈古調
避他三舍鬪詩兵橋題駟馬堪酬志室有獅兒定繼聲
戒且况資賢德曜澄懷傑直警雞鳴

恨事千秋博浪沙驅車落日但鳴鴉斯人已去空徐泗
當代而今孰爪牙河畔惟看新種柳淮園猶憶舊栽花
八方風雨中州會霜鬢談兵散晚衙

陳橋驛

讀史開編酒共澆江山大宋始陳橋黃袍一襲身先著
紅燭三更影漫搖倉卒遣師誰咎執興亡易代總魂銷
匡山塊肉今安在受禪忽忽祇自嘲

橋邊楊柳澹棲鴉橋上行人說趙家隱士身從驢背墮
降王挺向殿中誇一朝定鼎關元會五代如棋換歲華
懷古夜窗閒眺望明蟾疑照故宮斜

豫闕監臨卽事敬遵 高廟御製詩韻示提調曹
再韓監試胡海帆兩觀察

鄉飲欣逢 慈壽辰 璇闈膏澤普郊闈青錢價貴爭

投選黃絹辭工美受辛多士勉書治安策不才會是河
來人 龍飛 恩榜分明在叨竊賓筵廿九春

一樓明遠望三台牛斗文光霖雨才春早梅寒著未也

冬榮桂鬱氣佳哉

本科順天鄉試借闈
省試展期十月舉行

東隅收效時非

晚西母稱觴宴正開畢竟元魁有衣鉢使星新自日邊
來

鵬霄風勁五雲搏氣象先從綵筆干道學誰爲程氏續
人才欲得賈生難鬱輪詭遇噬唐典獨座威儀愧漢官
宰相時來甯有種十年領取芋灰殘

萬馬銜枚夜漏沈寸心得失自行吟文場似奕分成敗

火候還丹判淺深漫以學堂廢科舉須知循吏出儒林
曹參醇酒胡威絹共抱冰清一片心

閩中不寐感懷蓮漪夫人

十八年來一夢中分飛勞燕各西東鏡臺永闕梨花月
紗幔虛吟柳絮風槐市琴書留半榻藥門漁火愴孤篷
封侯未了妝樓願合向重泉唱惱公

憔悴耶潛隔楚雲拋殘錦字寫回文經秋藥裹庸醫誤
續命心香侍女焚并日昔年曾累汝俸錢今日倍思君
蕭辰補奠尊中酒權當親澆宿草墳

讀竟中郎幼婦辭青天碧海費尋思最憐翠輿牽蘿日

木子言金 免 五
已是紅冰化淚時上計秦嘉空鑄錯遣悲元稹漫題詩
雙成儻問人閒事爲道霜花壓鬢絲

甲辰元日接曲園先生書並詩四首寄和

貽我瓊章到隔年遙知春在正開筵燕臺舊價千金市
吳郡新詩萬本傳 恩榜幾人星落落文壇百戰旅闌
闌江湖每飯思廊廟垂老丹心捧日懸

台星曾照大梁城想見當年愛士情白髮忽成新太史
青衿猶有舊諸生儒林文苑皆千古走卒兒童識大名
深荷忘年交誼永寒山夜泊忝班荆

俞樓東望聖湖遙家住吳江第幾橋桂籍重題增故實

蓬山再到任扶搖
耆年德邵 君之惠行
邁心憂士也
驕料得東華
頻記憶朝衣
檢點舊金貂

等身著作抵旂常
心正何曾舉筆忘
梅折江南春問訊
燈張河朔夜傳觴
四朝著舊登科早
兩府招邀折簡忙
及第有孫孫
有子翰林家世最相當

燈花

萌芽疑在燧人前
玉立亭亭未化煙
東壁分光春旖旎
西窗翦綵意纏綿
金錢買夜休論價
銀燭催妝欲鬪妍
照徹輓紅塵
十丈不應如豆憶離邊

不夜城開半是花
最分明處最繁華
然藜青送校書閣

望杏紅搖賣酒家風信幾番傳蠟燭月光雙照透鮫紗
平安勞爾中宵報鎮日蕭閒竹影斜

生香活色總溫存怯雨怯風倦倚門老去詩情添火候
兒時書味植靈根卜成吉語舒眉嫵挑盡殘更拭爪痕
莫向黑甜鄉裏覓明明伴我坐黃昏

燕箋燈謎上元辰除卻江南豈算春得大光明堪獻佛
自爲開落不因人夢餘還照霜毫麗妝罷偏愁曙色新
待撒金蓮歸禁苑闔家列炬拜宣仁

和曲園先生韻

唱酬笑止話寒暄倚馬眞堪試萬言作客江南思薊北

置身天寶憶開元今年春較去年好
雛鳳聲隨老鳳窩
翹企俞樓高百尺屋中容我強攀援

名園曲水樂晴暄皓首談經妙語言
老嫗解詩白太傅
雄文具體柳宗元吳中畫像家家識
海上飛鴻處處騫
屈指瓊林重宴日恩榮典禮定相援

無題疊前韻

三舍揮戈避日暄如今世事未堪言
幾曾御柳吟寒食
莫把春燈作上元渤海長鯨仍跋扈
朝陽鳴鳳自高窩
恩牛怨李須臾了第一功名戒黨援

晴窗高臥負朝暄局外忽忽出誓言
載舸亡吳尋范蠡

登牀脇楚憶華元狐狸難共豺狼問燕雀安知鴻鵠窩
孰向密崇伸撻伐王師赫怒起鉤援

題瞿勳臣大令所藏天女散花圖

海上鸞軒捲怒濤天風披拂五雲高
花開花落憑誰主付與紅閨五色毫

字字仙心結構成金鍼度盡五銖輕
霓裳曲逗驚鴻影廿四番風管送迎

白練裙邊妙筆存七襄巧製奪天孫
碧山眉黛紅冰唾都是麻姑指爪痕

衣香鬢影拂清塵神化丹青妙寫眞
我借江郎一枝筆

生花夢警惜花人

漁

一笠一蓑春復秋生涯都付武陵舟綠楊岸上成村落
紅樹江邊憶釣游斜日當門人曬網殘星照水客披裘
煙波深處歸來早笛唱聲聲和鴈柔

樵

世路翻輸樵路平閒將冷眼看棋枰拾來紅葉堪題句
到處青山好問名絕磴侵雲雙足健短衣帶月一肩輕
廁身天地多荆棘負荷惟君自在行

會試借豫闈知貢舉卽事

桃李新陰滿洛城大梁風物似春明
作人壽考賡周雅
夏舉威儀媿漢京
多士王楊先器識
中興曾左出科名
沈沈鎖院三條燭
棖觸當年食葉聲

青袍曾爲杏花忙
五試南宮聽漏長
甘露講經尊白虎
殘灰厯劫換紅羊
方言兼採日英美
風氣先開淮海揚
銜 命東都忝留守
欣簪綵筆奏雲祥

攬勝偕登明遠樓
一簾消息隔鴻溝
西來嶽色雙峯峻
東去河聲萬古流
風雨陰陽徵會合
忠肝鐵石費冥搜
長安近日原非遠
走馬千門憶舊游

鐵塔摩空俯玉津
五星東井自成春
詩來將相原無種

興到文章信有神，美錦裁量勞玉尺。
微書安穩載蒲輪，登龍幾輩增聲價。
又向天街踏軟塵。

關中寄亭秋

鎖院沈沈鼎轉丹，傳來錦字報平安。
驚人詩句裁雲出，入夜琴聲帶月彈。
布被生涯清客夢，鹽齏風味進堂餐。
鸞璫欲和房中曲，食葉春蠶下筆難。

再寄亭秋

紅闌嬌女弄笙簧，更解庭前鬪草忙。
絕妙丹青工寫意，入時風韻澹梳妝。
畫灰還憶鑪中字，祈雨親焚坐上香。
珍重養心兼養目，藥囊檢點菊花方。

憶榮文忠師

補天往事忍重論
賸有凌煙畫像存
斗酒曾澆趙州士
圍棋誰賭謝公墩
無慚一代名臣傳
未報千秋國士恩
試院春寒聽夜雨
和將清淚灑夷門

題于海帆觀察同年平臺修竹圖

萬竿瀟灑一塵無
微笑拈花入畫圖
祇道使君曾化鶴
誰知勝國已嗁烏
甘棠芄黍皆生佛
香火蒲團認故吾
我愧苦吟難入定
鄉心鎮日繞莼鱸

贈熙菊彭閣學

七旬 恩榜動膠庠
兩捧 鸞綸出建章

上年順天鄉試君充副考

官本年會試復
充滿知貢舉

桂子秋風題碧落杏花春雨隔紅牆疏
慵似我慚書劍多難逢君一詠觴寄語龍門燒尾客至
公堂上有歐陽

分光東壁德爲鄰脫略形骸意氣眞萬里攜歸溟海月
一枝寄贈隴雲春山中鎖子神仙骨殿上金蓮學士身
劫後滄桑曾幾日與君俱是眼前人

汴閣春試余以巡撫奉命充知貢舉撤棘後約
總裁裕壽田相國張治秋陸鳳石兩尙書戴少懷
侍郎滿知貢舉熙菊彭閣學閱視陸軍新操感事
放歌卽以贈行

皇朝尙文兼尙武康乾武功邁三古同光八葉啟中興
將帥連翩奏鼙鼓旂綠窳敗軍格輕崛起湘淮子弟兵
戡亂功成氣亦暮歐西勁旅方縱橫聯盟海上十四國
水操學英陸學德畿輔習聞步伐聲中原倏變旌旗色
櫓槍掃盡落旌頭八方風雨會中州昔日田獵盛車馬
祇今洗甲清河流櫜弓誠屬百年計豈可一日忘戒備
聞道禁中需頗牧未應灞上嘲兒戲邇時五星聚井東
汴城桃李噓春風纔聽蠶聲酣戰鬪又乘餘暇詰兵戎
相國本是回天手庚子和議造端裕相與有力焉尙書清望齊泰斗文
采翩翩兩侍郎欲請長纓著短後回首昆明浩劫塵滄

桑俱是眼中人八代起衰仗公等艱難重與話庚辛不
才舊是平津客白面談兵愧無策昆陽虎豹南陽龍幾
許英雄伏草澤河梁一賦送歸輶連營班馬鳴蕭蕭
朝廷若問軍中事待旦橫戈夜寂寥

河上勘工興中得句

九夏奇峯斂火雲朝來涼雨靜塵氛新荷似蓋河邊淨
細草如茵陌上薰官到忘形情自永人逢樂歲語先聞
三章約法租庸調諫稿先刪兩稅文

已分寒甍老鄭虔萬家偏種佛因緣歡顏那得干閒度
生計曾無二頃田棋局幾爲安石誤釣竿誰似子陵賢

瑟琴靜好填箴協慚愧榮叨世賞延

少壯如斯奈老何一官忝竊負 恩多三春寸草孤兒
淚斷竹哀絲病婦歌才果庸庸誠厚福考非下下拙催
科高飛鳥自豐毛羽不識人閒有網羅

非堅非白謝淄磷立馬沙干喚渡潁地入中原資綰轂
時非天寶幸逢辰清流滾滾何曾濁偽學紛紛恐亂真
漫道天公限南北珠槃新聚五洲人

沿隄遣興

往歲征驂月下停薰風拂面又重經布帆似馬淘沙白
山黛堆螺繞郭青碎石魚鱗挑水壩升歌鳳吹遏雲亭

時正河上無鼙鼓草滿長隄鷺滿汀

幾樹垂楊拂帽斜籃輿輕便度平沙大隄春老惟嘶馬
荒縣人稀但噪鴉卻暑聯翩傳錦字防秋何處障青紗
濁流喜不清如鏡羞照霜花兩鬢華

榮澤行館夜懷

絲竹中年引興長無多酌我酒人狂窺簾皎月欺銀燭
到枕清風冷鐵牀歸去尙無新粟里別來猶戀舊桐鄉
伐檀采杞滋吾愧浪著征夫短後裝

並蒂蘭用何繹山孝廉韻

相對無言卻有芳自然根蒂自然香春蕤隱隱含清露

秋影重重傍太陽仙侶靈均彈古調學生燕姑夢休祥
蘭因省識非萍合天上星期鳳卜昌

不共孤山梅影孤靈芬九畹露華敷輕紉並作神仙佩
薄采雙鉤士女圖獨上綺樓花共笑平分湘水竹同符
奇絕別以珠爲字演得連珠妙解娛

鴛湖一曲草堂開領取幽香伴夜來孟會重光搖北燭
笙詩疊韻補南陔鼠鬚雙管紅深淺爾紙同功綠翦裁
何似玉簫兩頭坐池塘清夏氣佳哉

一般清味兩温存雅趁哥窰白玉盆賞到花開與花落
參來同氣又同根招邀竹友風生谷聘取梅妻月下門

斜插寶釵棲燕穩美人香草共承恩

由木藥店回駐廟工

夾岸雙城冷麗譙鸞環一水界中條乍聞估語知通市
偶見僧歸未斷橋世事難於熊掌熟人情薄似馬蹏驕
夜闌起視紗窗月贈與紅閨伴寂寥

秋夜不寐贈亭秋

百端交集五更鐘此意憐君復惱儂兒女何年了婚嫁
湖山隨處寄游蹤紅羊劫換甯非福綠蟻香凝可禦冬
過眼是非誰管得惟將書畫養疏慵

蔚然同年函述皖省院司道府均出兵部爲一時

之盛而期望下走者尤殷且摯並示以詩率賦答
謝

十載彈冠約三秋感舊文禁中需李牧檻外識朱雲西
笑難成佛東封未解紛埋頭書露布消息不堪聞

昔作小司馬一堂多德星劫灰燕市冷山色皖公青我
老觀棋局公名書御屏梁園何所祝循吏出甯馨

寄懷曲園先生卽用其自遣韻

往歲扁舟一葉輕經師吳下拜桓榮曲園客去春花發
闔苑人歸畫錦行漫欲耽吟成六廢

先生有六廢吟羣推作賦

擲千聲莫嫌腰腳隨年減坐看孫曾到列卿

朝衫卸卻一身輕
聖主恩深晚遇榮
高密禮堂新著
作香山樂府古歌行
未忘洛社朋簪集
尙憶圓明禁漏
聲聞道
璽書崇舊學
固應倒屣漢公卿

大梁四詠

信陵君祠

驅車城東門抱關
無老叟翩翩佳公子
寸心慕已久英
雄重義氣肯落原嘗後
御嬴謀固賊椎鄙
罪何有可笑
魏王符竊自婦人手
十載客邯鄲歸來感
白首功高未
繡絲興闌惟飲酒
一入龍門傳大名
永不朽我今過荒
祠夕陽淡疏柳似聞
奪軍聲英風半空吼

樊樓

賢君六七作趙家全盛年朝野正歡娛民物復殷闐樊
樓一都市燈火夜澈天瓊枝來維揚花石聚朱仙汴京
盛景物隳如三代前安石變新法世運慨流遷民窮兵
又驕敵師臨河邊嗟哉青城役北狩不復旋忽忽遂南
渡京闕化灰煙曹婆柳五嫂流落西湖船回首樊樓下
笙歌空自憐閱世又千載補入夢華篇

吹臺

雅音久不作立馬上吹臺飄飄望三古師曠安在哉黃
河日夜流大風飛沙埃荒城夾馬營鼓角生悲哀焉得

把君臂樂律細敲推一聲天地窄再奏鳳凰來鐵塔爲
動搖龍亭失崔嵬人在歌臺高人去臺生萊俯仰發深
喟雙丸迅疾催道旁玉津園秋花向誰開蘇門有嗣音
孫公大嘯才

龍亭

汴城無風雨重陽駐秋景登高非龍山乃造龍亭頂

余重

九登此

香孩著黃袍此地曾遊幸依山起瑤闕臨水闌金

井前殿月輪高後宮漏壺永一亭鎮中維披拂萬花影
河山一旦改弔古發悲哽惟餘花石綱長照夕陽冷臨
安小朝廷吞聲氣失猛冬青付劫火此亭尙孤迥瓜棚

談往事浩歌入清茗寂寂玉皇案鍊師空乞請

十一月五日望雪懷人

忝領干旌在浚城祈年敢謂歲功成鵝毛乍見頭番雪
驢背新增遠道情梁苑風流游客倦楓橋月落早人行
因君觸我莼鱸興一夜鄉心寄泌衡

傳聞

諷議盈廷聚訟紛仰天一笑看浮雲惠慚東里難爲政
檄到北山別有文畫諾勉希宗太守罪言誰諒杜司勳
咨寒怨暑風猶古輿論悠悠總不聞

視蓮漪夫人遺照愴然有感

廿載荒阡委翠鈿
今朝展視倍悽然
慙慙青鳥窗前語
離恨紅羊劫後天
眉樣已非京兆筆
夢遊應憶錦江船
霜花滿鬢吾將老
對鏡輸君正妙年

補題三十九歲小照

慘綠當時最少年
江湖飛鞚嘗游仙
而今病髮支離甚
攬鏡簪花總黯然

自爲論贊自軒渠
也算昂昂七尺軀
兀坐胡牀人不識
料應幻相失真吾

除日雜感

梁園游倦尙難歸
歲晚天寒戀落暉
雲物又從今夕換

雪花還比老梅肥不妨樵洞觀棋局早擬歌臺卸舞衣
寡過未能希往昔空知四十九年非

芙蓉幕府蒼羣官莫作鄒枚詞賦看挾策勉酬前席易
論才得似古人難軍中大事諮公瑾閣外雄風送子安
今日艱危仗羣策葵傾惟恃寸心丹

棲霞山外舊柴荆別後相思百感并菹味鱸香都入夢
賣漿屠狗半知名臘梅破萼饒春意南雁衝寒又北征
聞說防邊勤遠略西江鼠盜尙縱橫

燈花喜鬪早春前春到猩屏列綺筵玉佩朝天詩典重
綠尊餞歲意纏絲偏憐爲續中郎業靜好無如德曜賢

更有鯉庭他日事銜杯一醉一陶然

乙巳元日春詞

斂福五皇極參天 兩聖人 龍飛宣寶歷三十一年
春

玉祀開仙仗當年駐 翠華朝 天傳蠟燭紅透舊宮
紗

心香何所祝闡教與宣防木鐸一夫子金龍四大王
衙參禮未畢歡擁進春牛預卜農家樂滿車復滿篝
臥榻人鼾睡潢池盜弄兵老妻不佞佛但祝掃檯槍
一謁羣休沐官場禮數疏抗塵京輦客比較竟何如

一色碧玻璃湖光入望迷夕陽知客意常照畫橋西
雲箋描五色兒女競書紅翻怪春來早梅花信未通
爆竹新除歲家家爭買春明朝土街上應有賣餠人
此地風猶古稱觴樂未央使君慚薄德春酒負羔羊

寄酬曲園先生疊前韻

落筆雲煙腕底輕洛陽紙價失光榮

承賜詩章楹聯詩用高句驪紙書寫

詩從春在堂中續人似山陰道上行權擬偏師逢大敵
敢云異曲協同聲歲朝有客來江左爲道雄文似長卿
學界伊誰繫重輕先生有道足尊榮自編文苑儒林傳
遠憶談經載酒行再世公堪詒燕翼中宵我恐誤雞聲

題詩待乞高驪紙屬國新歸蘇子卿

謂許子
衡星使

示幕客

于飛休戀故園枝鴻案相莊敬爾儀千里移家黃仲則
一生好客鄭當時出山祇恐清泉濁刻燭無嫌夜漏遲
願向使君商治譜勝爲良相與良醫

自遣疊前韻

植根喜近 上林枝天外飛鴻肅羽儀狐火况經離亂
後鶯花非復少年時生涯棧豆謀誠拙春意江梅發較
遲何怪年來太蕭瑟讀書悔不學牛醫

周調之觀燈詩用雲字韻王少侯和詩雲字誤作

紛字作此嘲之

騷壇牛耳會平分
梁苑鄒枚善作文
轉注雙聲諧競病
推敲一字判紛雲
曲難屢誤周公瑾
筆可縱橫王右軍
安得金錢買元夜
昇平簫鼓報諸君

再成紛字韻一首

駘盪春光已十分
萬花飛舞自成文
山頭飯顛吟詩苦
筆底雲煙聚訟紛
須禁前騶驚鳥佛
莫因蠻府老參軍
連宵何止談風月
後樂先憂答主君

示諸友疊雲字韻

沈醉東風靜夜分
玉郎天壤富多文
如何入夢一枝筆

未解親書五色雲差喜得羊臨晉帖偶教指鹿誤秦軍
傳觴鎮日償詩債鑄錯無妨說與君

贈徐小舟再疊前韻

不羨維揚月二分春宵翦燭細論文尊前賦就梁園雪
裏底攜歸秦嶺雲長鋏車魚常作客短衣書劍欲從軍
南州肯下陳蕃榻孺子高風贈與君

二月六日爲淑卿夫人設祭作此焚寄

一別音容廿五年中間消息兩茫然恩榮縱博黃封誥
永恨難窮碧落天梅信新煩阿母寄蘭徵聊借大宗延
九原可作驚吾老羸得霜花壓鬢邊

少石大兄由湖南糧儲道裁缺調直隸永定河道
函示離湘赴直詩二章時又奉命調湖北荆宜
道舊治重來是可喜也

南雁衝寒又北征新詩舊句喜雙清芷蕪如聽瀟湘雨
常棣孔懷兄弟情三命駢蕃移蕩節一官清白憶蓬瀛
遙知跨鶴重來日萬口刊碑作頌聲

不數班書循吏篇承恩一歲已三遷未攜陌上聽鸛
酒祇辦江干飲馬錢楚澤芳蘭紉作佩桑乾落木渺如
煙維新政策先仍舊長府箴言佩子騫

初度日書懷示幕客

素餐庭上有鶉懸冷眼觀棋一著先覆轍甯忘莘社日
後庚應愧孟嘗賢似聞賈誼虛前席苦費媯皇補漏天
勉慰王郎歌此曲期君悟徹理虧圓

干旌三載浚城持又是榴紅艾綠時半畝多栽諸葛菜
一甌細嚼老君眉竹絲並觸中郎感毀譽都成介壽詩
捧檄輸他毛義色不堪反哺慟烏慈

午日獨游雪園

獨上鸞峯頂閒吟興轉賒石留良嶽古日照架亭斜碧
柳長拖綫金萱淡著花我來清晝寂知放午前衙

隨意成邱壑眞堪受一廬堂非營綠野心本戀青氈檻

外別無路洞中疑有天倪迂今豹隱碑碣儘流連

荷風送午涼半畝小滄浪地僻鄰西圃書鈔憶北堂
鄒枚如可作池館未全荒蒲劍年年綠相看引興長

狂笑爭蠻觸留園不可留雲煙過淮浦風雨會中州
長醉宜醇酒歡顏感大裘登臨發清嘯身世一沙鷗

送王仲裴觀察卓異入觀

日下曾逢折檻雲

謂哲弟幼霞給諫

一官梁苑又逢君重聯貢

禹彈冠約難遣江淹送別文上考榮於華袞錫天香
親向御鑪熏吾皇如問蒼生事前席歸來定策勳

送亭秋回杭夜雨不寐

驪唱臨歧賦惱公霎時流水各西東誰知一枕懷人夢
都在瀟瀟夜雨中

得亭秋中牟書卻寄

一紙書憑尺鯉傳最淒切處最纏綿新詩權當回文錦
莫使春歸忽隔年

鈴閣風嚴晝掩關驚秋蒼鬢改朱顏藥囊檢點無多物
心在當歸遠志間

九月二十九日寄懷亭秋

秋盡江南走急湍計程今日到臨安燈前莫問金鑿事
月下誰憐玉臂寒骨肉無多愁遠別夢魂相見慰加餐

羨君不負還山約，獨我菹鱸去就難。

接亭秋漉上書附截句五章，皆哀感之詞，棖觸余懷，輾轉竟夕，依韻答之，亦借以抒寫鬱伊耳。

別來懷抱幾時開，九月寒衣罷剪裁。遙望南朝多少寺，一江煙雨鎖樓臺。

河廣惟憑一葦杭，當歸遲寄總神傷。季鷹不少秋風興，冰未堅時戒履霜。

殘菊經秋尙可餐，好花忽落稱心難。嗟余最小偏憐女，何獨鍾情是謝安。

挑盡殘燈向孰論，割慈難與伴晨昏。須知兩叟龍鍾淚，

不是杭州舊酒痕

永夜窗虛待月臨
夢多寒甚戀重衾
孤山一失林逋鶴
惟有梅妻瘦不禁

書家書後

接到回文第四封
封封都勸早明農
歸期屢誤仍爲客
旨蓄無多且禦冬
馬豆生涯催我老
鶯花時節與君逢
遙憐襪被還鄉日
獨聽鞦韆光夜半鐘

羣仙高會圖題辭悼紋女

忍別寒檠展畫圖
回思舊夢總模糊
莊嚴寶相銷塵劫
神化丹青識放吾
酒罷難教千日醉
曙前已失一星孤

空留尺幅墨華影膝下歡顏伴老夫

中牟旅夜

偶來河上賦逍遙苦憶生前謝女嬌有盡才情金縷曲

上年黑岡工次賦金縷曲貽女今女云亡余亦不復度曲無聊心緒紫瓊簫

夢女執玉簫見

哀詩門楣似爾增光寵逆旅招魂伴寂寥野館中宵聞

警柝夢回奚止黯愁銷

十五夜月憶內

深宵又見月當頭彈指光陰卅九秋酌我酒狂求趙壁
照人膽氣看吳鉤何時好語傳青鳥此夜清輝上翠樓
一樣團圓千里隔汴州無賴說杭州

抵鄭州

秉圭作牧媿公侯

新升爲直隸州

綰轂中原是此州地接楚秦

餘霸業橋通南北跨黃流

黃河鐵橋落成

颯輪磨鐵成新市香

稻登盤報晚秋一別廿年重駐節火牌雪夜憶前游

鄭州東郭卽事寄大兄荊州

十丈黃沙管送迎初冬天氣薄寒生來從細雨斜風裏
歡甚紅男綠女情剖竹定騎他日馬攜柑難問舊時鶯
計借兄弟頭俱白荆豫連州若望衡

杭州來書紋女柩至武林沿途異香不散登岸時

大雨旋霽又在上海俞階青夫人夢女著無縫仙

衣扁舟絮語生前事是眞有仙根矣

一路香風送武林繽紛花雨滌塵襟飛昇仙宅淮王犬

醒夢孤山和靖禽歸妹頓添阿母淚

次女昌穎樞將由京運杭替爺

未竟女兒心

女喜談木蘭從軍事

開緘讀罷增三歎況復長途暮

鬻沈

夜闌遣興寄亭秋

小閣瓶梅已見冰布裘適體卅年曾厭聽歌板參禪板
靜對書燈憶塔燈割愛君如失哺鳥打包我似在家僧
來春準赴看花約祇恐開尊力不勝

榮澤黃河鐵橋落成

龍旂廣武喜飛揚此是當年莽戰場紫電雙輪初合軌
寶星十國競稱觴臨流大有投鞭意決策無勞縮地方
橋上題名增故實張袁聯盛與陳唐

鐵橋工成調盛杏蓀宮保

馭氣乘風笑履冰如經滄海昔時曾垂虹已砥中流柱
掣電齊然兩岸燈雙鳳銜書觀覽使十年磨鐵苦修僧
慚余未解河清頌歐亞聯歡酒不勝

黑岡夜宿

去年賓館記填詞前月河梁塵去思愛女已憐歸骨早
老妻深惜棄官遲不堪曲譜歌金縷大好碑文媿色絲

此夜黑岡仍秉燭豈惟感逝更傷離

不寐

連宵旅夢總萋迷強起推窗月向西投轄有情難繫馬
著鞭無意厭聞雞寒梅芳訊勞頻寄金瓠哀詞忍再題
今夜征鴻前度雪還留爪印後時泥

河干雜感

巡河曾賦趙家詩重過陳橋別寄思扶醉有人開社早
催租無吏閉門遲毋忘軒冕巡宣意想見衣冠古樸時
怪底來朝先走馬隔河父老望旌旗

治譜當師漢吏循去來琴鶴總隨身數家煙火成新市

一路梅花報早春橋上難爲題柱客與前恐有裏益人
不才自分邀天幸三載綏豐未是貧

鎮欲河干理釣磯征車催發素心違人閒雞犬隨仙去
客裏池塘有夢歸骨格遽憐霜菊瘦瓣香但祝雪花肥
名場收拾觀棋眼成敗無憑況是非

河梁別後已生冰說到還山尙未曾襟上淚痕杭郡酒
壁閒電影柏靈燈夢迷真幻蕉中鹿詩苦推敲月下僧
華髮祇今搔更短欲簪黃菊恐難勝

早行接家書有悼紋女

瑤池西望倩霞觴青鳥慇懃傳語忙裳錦織成慈母綫

竹黃珍護女見箱大千世界羣仙籍十七年中一夢場
今日臨流數行淚可隨河水到江鄉

代紋女答兩親

寄語阿爺快舉觴阿娘湯餅爲兒忙轉輪定識投環地
藏硯須留歷纔箱孟飯壺漿澆故塚短衣匹馬醉沙場
仙人狡獪男兒志翻覺蓬萊是異鄉

入門有作

棨戟霜嚴鎖院開短衣長劍我歸來迎門弱柳慵三起
羅架陳書亂一堆徑掃犬疑新地主天寒鶴問故山梅
傷心嬌小如花女不見呼爺笑語陪

近詩多悼感語強自排遣仍用冰字韻四首

融盡胸中炭與冰
屈騷來怨我何曾
空諸色相虛堂鏡
放大光明暗室燈
太傅東山尙攜妓
英雄末路慣爲僧
逍遙悟澈南華理
樂極休言苦不勝

右作達
觀語

頭銜恰稱一條冰
燕領封侯夢不曾
風利未停王濬艦
臍然爭熱董侯燈
匈奴畏漢昔思霍
蒙古開藩今有僧
馬革豹皮酬壯志
勉旃莫道力難勝

右作壯
烈語

忘機釋忿渙然冰
佳趣如斯得未曾
老去心情縈綠野
見時書味憶青燈
樵柯冷眼觀棋客
瓶鉢隨身退院僧
堪笑勞人殊草草
應知僕病未能勝

右作問
適語

泰嶽高高不化冰，
青直上幾人曾趨蹌。
玉佩朝聽鑰，賞資金錢夜買燈。
黛筆舒眉京兆尹，紫衣著體少師僧。
何如富貴汾陽郭，廿考能將大任勝。

右作吉祥語

自述一首再疊前韻

澄心如在玉壺冰，
綵筆干雲記昔曾。
祇道近光威赤棒，
誰知厄閔起紅燈。
建牙袁浦慚開府，
下榻焦山伴老僧。
三載兩河持使節，
任艱力小懼難勝。

十月三十日紀夢書寄杭州

折枝寄贈嶺梅寒，
寫到家書下筆難。
明鏡羞顏驚鬢短，
敝裘壓體覺衣單。
疏慵似我平爲福，
施報如君理未安。

昨夜夢中羞強意祖孫一室話團欒

陸弁至喜得家書

日盼家書眼頓饒今宵書到喜開緘筆頭瑣屑難成句
牘尾纏絲又附函倚竹遙憐寒翠裏裝棉頻問舊青衫
何當重理思歸曲早晚江邊挂布帆

十一月二十九日紋女生日感賦

年年治酒讌生朝今對靈帷酒獨澆柳絮空飛梁苑雪
蘭橈先趁浙江潮霓裳曲罷燈如豆斑綵衣涼淚溼綃
短景會逢長至日難添續命縷千條

見生冬至
故名紋

浮生哀樂已中年賴有嬌癡繞膝前我累一官誠左計

汝拋三尺更誰憐
鑪香裊裊空留篆
燭淚盈盈易化煙
昭慶深宵曾薦福
可能重認爪泥緣

節屆嘉平景物華
去年臘鼓尙親撾
西園秋水吟殘月
北苑春山綯晚霞
療肺有方剛白芍
思親入夢寄金瓜
此邦信美非吾土
鈴閣森森放早衙

金鑾降丑幸同庚
我與香山感慨并
病亟尙將三宿戀
春來不共一陽生
有兄有妹娛情話
學劍學書博盛名
回溯呱呱初墮地
東華舊夢幾時醒

何潤甫副都同年寄贈隨輶山左吉林詩草二卷

賦謝

白紙坊頭一畝宮，置身疑在五雲中。
書來頓觸金鑿庸，詩好無如水部工。
鵲華雙鬢供嘯傲，秋笳一集遜沈雄。
元龍豪氣消除盡，百尺樓前拜下風。

十丈紅燈照輦塵，與公俱是眼中人。
嚴城鎖鑰昆明火，問道麻鞞灞岸春。
陶徑未荒君種菊，梁園留滯我思莼。
大凌牧馬成追憶，曾向雲司一問津。

王爵生學使出，示何吟秋同年天根詩鈔讀竟誌
佩

同譜三十載，誰識何廣文。
譬執夷門鞭，不見信陵君。
學士出君詩，異香發典墳。
古體似青邱，拔幟張三軍。
近體

如遺山健筆凌風雲豈無少陵淚卻非飯顛勤亦磨東
坡蝸不策尖叉動大言天地窄鉅手掃俗氛才調信無
偶性情尤可薰嵩山何高高洛水何沄沄中有斯人在
元氣足氤氲阨運際龍蛇隕茲大雅羣冷暑遺青氈辟
雍泣鼓鼗祇今月旦橋荒草帶夕曛天風作怒吼千頃
波生紋似聞一詩老歌詠到宵分不朽須立言德功乃
足云賢哉王學士珍襲羊欣裙克完後死責一瓣心香
焚校讐付梨棗用意何其殷我已失交臂聊獻野人芹
獨慚竊高位薦表無河汾歐亞逐鹿場天醉難爲醺安
得武陵源桃花紅芳芬把君一卷詩理亂皆不聞此願

恐難償何日息勞筋

來福堂詠雪用路訪嚴觀察韻

綠蟻紅鑪待雪回天寒鴉戀戟門槐人從羣玉山頭見
詩自聚星堂上來獨抱松操梁苑客最憐柳絮謝庭才
風塵滿地誰青眼拔劍酣歌賦莫哀

萬花飛送

六龍回

閩郡報
宮中祈雪

喜徧天街棘與槐瑞靄

先於雲裏見

恩光新自日邊來鴻泥我憶黃河宿驢

背誰饒灞岸才三載金梁叨帝澤涕零感極轉生哀

瓣香樓上首頻回冷豔長松夾古槐沙影空明天上下

潮聲浩洶海飛來

後湖風勁浪急
拍岸有聲有勢

銜枚憩武堪禽敵獻

賦鄒枚大有才絕似江南好風景蘭成作客不須哀
郵寄詩筒往復回也如蟬唱倚高槐綺窗梅鬪色香味
荒徑菊存歸去來佳想時晴臨晉帖尖叉白戰愧蘇才
陽和布薄冰俱釋不信中年有樂哀

二會祠辦香樓公讌卽事

樂歲祥雲集合辰梁園高會喜延賓琉璃佛國三千界
黼黻虞廷廿二人鐵鏞尙留前代塔酒香先釀隔年春
水光雲影俱清絕滌盡胸中十斛塵

攬衣齊上瓣香樓半是蒼髯半黑頭代謝易更新鳳籥
疏狂未典敝貂裘諸公袞袞足千古一醉陶陶銷百憂

不向孤山伴梅鶴湘鄉笑我太淹留

得家書和亭秋韻

兩端出處費商量世事今如百戲場有夢孤山訪梅鶴
無心太室紀旂常朱顏對鏡身將老黃竹編箱願未償
讀罷來書三歎息慰情無計淚霑裳

覆家書疊前韻

十斛塵憑升斗量逢君休說少年場纏綿情緒勞相憶
老大鄉音未改常流水落花春不管典衣沽酒債難償
清宵機杼聲俱寂零落人間織女裳

卽事再疊前韻

才錦休將玉尺量
大蒐久已罷圍場
屯軍灞岸新龍武
典祀 山陵老奉常
學子八千潮未息
聘錢十萬債須償
卽今牖戶綢繆切
獻雉空思古越裳

和王仲裴觀察詠雪長句

雪花片片樓峨峨
樓外湖光揚素波
王郎天壤最清絕
拔劍斫地發高歌
調 帝南歸自京鎬
曾向辟雍聽鼓鼙
精台一官二十載
有如老將思廉頗
聚星白戰持寸鐵
人患才少君何多
白雪篇成意歸美
詎知臧召由天和
湘鄉兄弟留鴻爪
一樓千古雲煙過
寥天鶴子太蕭瑟
我所思兮孤山阿
安得高臥學袁安
門前一任鳴金

到不然夜半入蔡州
洄曲鵝鴨皆網羅
若逞抽祕騁妍
手柳絮已輸謝女
哦銀印銅符盡封
襄夷門歲晚人委
蛇題襟但欲寫懷
抱尖叉鬪險嗤東
坡黃羊祀竈寢成
俗今年日月急如
梭人事變遷等棋
局爛到旁觀樵斧
柯君歌我和大笑
作梅花破臘香巖
碾得詩一句傾一
觴慎勿醉倒門吏
訶

祀竈有感

媚竈風斯古
頰添歲事忙
爇檀乞新火
列鼎祀黃羊
曲突承恩早
炎方去路長
至今廝養卒
幾輩作中郎

六祈重周禮
再拜赤衣前
官好原爲累
春歸尙隔年
焦

頭兩蒼鬢鍛坐一青氈若奏通明殿相煩告上天
傷離兼感逝今夜百憂并一日三秋別雙棺萬里行薪
愁後居上桐幸爨餘生增減隨人意惟君不好名
他日入廚下山妻厭旨甘縱云新婦巧已乏小姑諳煙
散侯家五酒闌謙鼓三何如蔬筍供送汝伴瞿曇

得家書卻寄疊寒字韻

撥盡鑪灰未減寒瑤臺一曲和應難朝元罷寫宜年帖
薦廟愁添祭品單客裏逢春成我老夢中有女問爺安
洛陽花事香如海眉粲懷人倚綠欒

諸公賜和辦香樓公謙二律疊韻賦謝

聯翩佳詠集芳辰咳唾當筵聚眾賓
市地瓊瑤添畫本

同時冠蓋盡詩人文光北極羣尊斗

學使王覺生學士和章先成

氣

候東皇欲報春枚速馬工大手筆梁園何幸接清塵

百尺吾家賸有樓詩逢勁敵願低頭
絲抽萬繭新成錦

腋集千狐美製裘歲晚略師鄉飲意時艱應共
主君

憂籌邊尙有幽燕將未作平原十日留

長少白將軍鄭州函不及紆道

來省已馳赴伊犁任

湘中來電淑卿蓮漪兩夫人樞安抵洪江誌感再

疊寒字韻

扁舟雙旆楚江寒又賦人間行路難
埋骨鳳山歸有伴

齊眉鴻案影嫌單百年大夢傷遲暮
一夜春風送理安
料得偏憐兩嬌女重泉相見樂團樂

除日四憶詩

遲我車偕計

己卯冬夫人病亟余爲罷春官之試

憐君玉化煙衣裳猶在

笥蘋藻未承籩償債質釵釧營齋虛俸錢重違嬌女意

移葬聖湖邊

淑卿夫人

人日一爲別

丙戌入日別於大兄穀城官舍

朔風千載寒病中猶候雁

仙去定驂鸞潘壁留遺挂沅江走玉棺花封寄阿母酬

志抵承歡

蓮漪夫人

哀詩五十首一字一回腸老淚溼黃竹曇花讖海棠

幼時

曾戲謂女生 隨娘學書畫伴我閱滄桑庚子之變女 夢

於海棠花間 醒梁園雪因風柳不狂長女

昌紋

再索仍爲女偏憐轉勝男嬌嬰愁藥誤大母悵飴含有

夢隨阿姊

亭秋夢兩女同來省親
余爲作聯裙歸省圖

無家共一庵年年度

除夕今夕我何堪

次女
昌穎

寄懷亭秋主人痛女思兒百端交集不自覺其悲

也

還鄉誠快事此去厭蕪羹詩卷含騷意禪經作課程夜
眠驚夢冷早起看山行老嫗兼雛婢煩君善使令

料應今夕裏爆竹不關心翠釜餘殘炙香醪罷淺斟一

兒膝下拜兩女夢中尋獨有夷門客詩成寄越吟
亦知生外向可奈慰情難滴滴留清淚聲斷寸肝游
梁誠大錯詠雪不勝寒勉強酬僚友明朝是履端
不願金簾滿傳家惟一經善承慈母意聊慰女兒靈臘
酒人扶醉春聲我怕聽行年忽五十望爾繼門庭

丙午元旦

靈臺夜半奏占風人壽河清喜歲豐雪後汴京添錦繡
連宵燈火六街紅

銀燭朝天夜嚮晨近光先挹鳳池春萬年有道尊
文母四海昇平奉聖人

元日奉到 慈聖恩賞福壽字恭紀

福從 皇極門前錫壽自 慈甯宮裏來何幸適逢正

元日大書麟筆頌臺萊

珠簾玉殿有輝光 堯母班春正舉觴若向外廷宣賜
譙六珈合爲老妻忙

正月三日招募中諸君夜飲席前漫興用調之大
令韻

梁園春正好三徑爲君開瑞應德星聚歡聯今雨來晴
光嶺綠轉新景柳黃纔獻歲無他物一尊聊共陪

燕睇堂仍舊鶯歌歲又新客中還送客春到倍憐春最

好初三月無聊半百人燈前看劍影僮僕轉相親

再翦西窗燭今宵樂意多已饒春旖旎休問夜如何蘇
季愁貂做東坡歎蠟磨輸他黃叔度千頃浩江波

我心非寶鏡亦自識媼妍宦味隨流水詩情寄野煙江
南梅問訊河朔酒開筵喜聽和戎策裳衣任倒顛

北京書來

中日協約於本月
二十六日宣布

八日

羲馭揮鞭落後塵已逢人日未逢春

本年立
春較晚

且傾竹葉

延冬旭速折梅花寄遠人雲影漸低疑釀雪滄浪雖小
喜留賓去年燈市前年月追憶都嗟夢裏身

去年爲絃
女士街買

燈前年同游禹王
臺歸時適見新月

立春

回腸往事重重憶有脚陽春緩緩歸攬鏡嫣然還一笑
頭顱五十未知非

鐵柱鼉磯舊釣游別來二十五年秋仲宣久有思歸意
不爲傷春懶上樓

元夕接吳中曲園先生書并詩用原韻卻寄

福曜新移

上苑牆

元旦蒙
賞福壽字

恩壽昌瑞應極南方文

章海內兩平議都講吳中一紫陽魏武子孫骨已朽

公

戲謂平生最不適
意於魏武子孫

長沙論薦字猶香

徐壽衡向書前視
學杭州特薦公鴻

松壽堂詩鈔卷四

博 昨從冰玉堂前過想見當年萬丈光

王爵生學使招飲適奉公書冰

玉爲學署應額公五十年前提學於此

桃李春陰覆滿牆長生更有枕中方詞人並世推巴蜀

公自鐫印章曰海內詞林第二人尙有蜀中伍崧生太史科分在前

紙價而今貴洛陽四

代一堂椿樹蔭九旬重宴杏花香乞言若舉臨雍典靈

壽傳宣賜孔光

餘事作詩笑面牆文宗韓柳薄歸方眾流匯處知滄海
燭火燒餘仰太陽及第有孫授衣鉢研經無伴話茶香
浙人雅慣江南佳肯向隨園附末光

及肩我愧賜之牆美富如公動四方斗望羣尊韓吏部

山居入愛孟襄陽籃與花外供清賞書帶階前發古香
何止吳門稱大老歸然一代魯靈光

正月二十日爲蓮漪夫人四旬生辰設筵祭奠接
常德何弁書去冬啟棺時壙中積水棺已微損急
加漆飾幸而完好聞之增痛賦此誌感

鬱鬱佳城泣鳳凰葬地在鳳凰山開函未讀已神傷長眠惟恃

桐三寸宛在何來水一方瘴地祇今憐筑國扁舟計日
渡錢塘華年四十宵行半逝世已二十年可念征夫兩鬢蒼

大梁官舍八景

良嶽靈蹤

一拳似嬰兒半壁如老樹北宋留此物不管人南渡

滄浪精舍

清斯濯我纓濁斯濯我足一廬雲水中此客原不俗

板橋殘雪

長橋接短橋如共游三泖君看雪後泥尙有飛鴻爪

曲池春柳

一水環金縷千條拂玉津可憐汴隄柳移傍漢宮春

南軒觀稼

立政首無逸稼穡知艱難春雨一犁足秋風萬廩歡

西園種蔬

巖根滋味長賢哉錢太倉祇今畦圃中猶帶菜花香

蕭寺晚鐘

宦味與禪悅喧寂有殊致夜半聞鐘聲如到寒山寺

東皋霽色

東山列戶庭登眺貌秦棧煙靄十萬家一一都在眼

移撫蘇州曲園先生以詩馳賀賦此致謝用元韻

作客梁園已倦游又承新命到蘇州竊欣絲竹陪張

禹敢謂兒童識細侯千里遺書勞款款兩河敷政愧優

優曲園重到春如海問字花閒屏列騶

海棠花下作

去歲東園看海棠嬌女與花鬪紅妝今年海棠顏如赭
不見嬌女戲花下人耶花耶兩徘徊花可再開人不回
老夫忽悟南華理燒燭問花花不語何如沈醉倚東風
與女相遇夢魂中作詩馳寄亭秋館料得仙香兩裊滿

大梁雜感卽以留別

三年旌節浚城持又值春風送客時金闕甫除留洛

詔

京察照舊供職

玉壺新詠入吳詩

越日調任江蘇

縣縣遠道雙魚寄

草草行旂一鶴知最是瓣香樓外柳不堪攀折已歌驪

春間植柳湖隄

壁上鴻留指爪痕此邦於我太溫存乘輿惠濟慚東里

鎖鑰嚴扃重北門萬卷圖書顧秀野一盂麥飯邵家村
樊樓燈火梁園雪過後思量總斷魂

梅鶴孤山負夙盟兩朝恩重一身輕京華每望依南
斗詔召相銜罷北征舊學護持書種子新軍崛起羽
林兵萬端經緯非吾分與世羞爭赫赫名

行腳生涯付短筇宦游隨處寄萍蹤多情師曠臺前月
後夜寒山寺裏鐘客路江南春正好離筵河朔酒方濃
澄清攬轡期公等篝火年來已息烽

文獻中原網舊聞胥江轉柁恨離羣難尋洛浦神仙佩
未躡嵩高太室雲晝錦晚香韓魏國美人醇酒信陵君

汴京景物重重憶書借羊家白練裙

淮浦笙歌記往年新詩吳郡紀 恩篤已勞江左書頻

寄更荷曲園喜不眠豆稜自憐增馬齒風塵誰早識
肩巾箱檢點無他物黃竹當窗一黯然

回首家山入夜郎馬當風又送滕王瀧岡待上清明塚
老屋新題松壽堂未必蒼生望安石幸非白首老馮唐
祇愁齒冷歐陽叟仕宦成時戀故鄉

臨歧脈脈意難申潭水桃花正及春匹馬短衣仍故我
萬家生佛彼何人欲移鄭俗先平政莫恃蕭規但飲醇
寄語攀轅諸父老琴囊書篋尙隨身

得何潤甫詩卻寄

新詩聊續故情歡不覺茫茫感百端願向東山起安石
難從渤海障狂瀾嗚珂遲我朝聽鑰善飯期君老據鞍
切莫觀棋措冷眼大江日夜有奔湍

三月七日步出南郭門口號

大梁不遇魏公子侯生自分老夷門今朝避走城南路
意氣空懷國士恩

松壽堂詩鈔卷四